



NUNATSIAVUT
Senani jârini kajusimanik pivallianimmut
10 Years of Continued Progress

ADMINISTRATIVE HEAD OFFICE

25 Ikajuktauvik Road, PO Box 70
Nain, NL, Canada AOP 1L0
Tel: 709.922.2942
Fax: 709.922.2931

nain_reception@nunatsiavut.com

Septembara 10, 2016

Silaksualimâmi Imminettailinimmut Ullungani Misitjinga AngajukKâp Johannes Lampe

AniguiKatausimallunga imminegutjausimajunut, KaujimatsiaKunga ilait-sisimanimmik nagligilauttakanik. Ânnianattualuk uKumaittualodluni siunniunattualuk. Attutaulukasimanik sivitujosongudlunilu.

Unuttuni unnuani sinigunnangiumaKattasimavunga tukisiggagasuadlunga summaumangât inoKativut immineKattamangâta. Auggos 9, 2008 inol-lunga puigulautsimaniangitaga – taitsumaniulauttuk innigilauttaga immi-nelautsimammat. Akunialunut ippinialilaukKunga asiumanimmik, nigiugijatsaKagunnainimmik tuketsilinnimiklu. Taimaittualukkut ingiggalidlunga tupâtsatauliaKinialidlunga sâlautuinnagiaKanginiganik utittisigasuaKanniganiklu inosimma siKummakunginnik sivumuapvisaganullu sângâlillunga – namminituinnak isumaganik âkKitigigasualunnanga, âkKitigasuallugillitauk ilagijamma unuttut isumangit siKumisimammijuttaut uvak asiganik tungavitsaKalungimata ikajuttisaKalungimatalu.

Silaksualimâmi Imminettailinimmut Ullungani, tâtsuma jârriup uKausit-tangit “atautiKatigetsialluta, Kaujimautesialluta, IkKasotitsialluta” ikKaiti-tauniagatta inutolunginittinik; ilonnata tâtsuminga katutjiKatigegiaKavu-gut. Tâtsumunga ikpigititauniakKugut ikKananninganik inoKatittinut uKâlapviKagiaKannimik; takutsautitsigiaKannimik ilatjugusunnimik tukisiannimiklu.

AtautiKatsianik immigut asiminullu pimmagittovuk inop ikpinianninga-nut nigiugijatsanganik Kanuingininganiklu, makitautautsiagunнанinga-niklu imminettailigiamut, imminianiuajajuniklu ulapitsisongugiamik imminiagasuasimajuniklu ulapitsisongugiamik. Ilonnata atautiKatigevu-gut atuKatigennikut KaujiKattasimajattinik, uKumaigijattinik nigiugi-gunnatattiniklu.

Ullumi, Nunatsiavut ilonnâni, ikâgellugulu tânna nunatsualimâk, amma-luttauk kaivallagellugu tânna silaksuak, inuit katingaKatigeniakKut takut-sautitsigumallutik ikajutsigumanimminik imminettailigiamut; ikKauma-gumallugit Kujaliutigillugillu inoKatigilauttavut tamânili inogunnaitut, saipatsagumallugillu ilaminut Kimatausimajut inosingit siKullusimajut âkKitivalliagasualillugit.

AtautiKatigennivut ilikKusigijattinullu illinattuit, Inolluta, sanasimaligatta kinaunittinik inolluta inoKatigellutalu. IlinniagutiKasimaligatta pijagesimalittunik, Kaujimatsiagattalu ikKanammagin-ninganik ilagengulluta, nunaliuKatigengulluta immigullu illinattunik.

Takutsautitsinginnasimaligatta atausiatuinna lugata sâla Kagunnanittinik atsugunnatunik, immigut ikajuttigellutalu. Takutsautitsinginnasimalik Kugut sivumua Katigegunnanittinik nutângutisimajattinik songuni Kalilluta, niguni Kalilluta kajusimani Kalillutalu.

Nunatsiavummiungulluta, nunaliu Katigelluta, ilonnata ikajuttigegunna Kugut piusiumititsivalliagamik isumatsiagittogiamik Kanuittailigiamillu, imminettailigiamillu. Ilonnata ikajuttigetsianitsaugajak Kugut ilitatsisongulilluta malunnatu Kalippat isumaminut uKumaitsatitaulittunik katsungaitsâgisongulilluta ikajuttisasiugia Kalittunik uKasonguk Kulillugit ikajuttisaminik Kinugia Kalippata. IkKaitigetsiagia Kalik Kugut nagligijavullu imâk uKâlapvisasiugumalinnik ikajuttisasiugumalinnilu sakKijâtitsilungimat sangetonimmik, tâvatualli sakKijâtitsisiammat inop songuninganik.

Nunatsiavut kavamanga atsugoti Kammagidluni jârini Kângittuni sulia Kauti Kasimalik Kuk ikpigititsivalliagamik isumakkut inosimmini uKumaitsanattualo Kattatunik. Atuinnautitsigasuanginna Kugut saputjigasuannimut, ikpinialukattunik ulapitsigasuagamik ikpinialuka Kattasimajunik ulapitsivalliagamik ikajotaugunnatunik, ikajutti KaKattagivugut asinginnik kavamaujunik, katutji Katigenniujunik ammalu katingajinik kamajiutitau Kattatunik taimaittunik isumâlotaulua Kattatunik.

Ilitatsimanittini Silaksualimâmi Imminettailigiamut Ullunganik ikKanammagik Kuk ikKaumajutsaunitinik imâk inosivut Kujaliutigijatsagivavut illigitsialugulu. AkKutigillugit ikajutsi Katigennik tukisia Katigetsianik, ilatjugusunnik, uKapvi Katsia Kattanik pigunna niklu nâlagunnanimmik, ikajuvalligunna Kugut silaksualimâmi atsugunnatualukku uKumaittualukkulu omaggagasuattunik.

UKagumavunga katsungaitsialusi ilonnasi Labradorimiut Inuit “atauti Katigetsialusi” atunit, “Kaujimauti Katigetsialusi” atunit, sakKijâtitsi Katigetsialusilu atunit “ikKasoti Katigetsialusi” ilonnata sivumua Katigetsialuta piusiumititsigasuannimi isumakkut inosimmini Kanuingisiak Kulugit ilonnaita nunaligijattini.